

眾魔歸依佛法

爾時世尊告諸菩薩吾今愍念一切有情說
陀羅尼令脫苦難宜正憶念宣布世間皆令
受持獲勝利樂時諸菩薩及餘眾會皆大歡
喜信受奉行
諸佛心陀羅尼經

拔濟苦難陀羅尼經

一名勝福往
生淨上經

大唐三藏法師玄奘奉詔譯

如是我聞一時薄伽梵在室羅筏住誓多林
給孤獨園與無央數聲聞菩薩摩訶薩俱及
諸天人阿素洛等無量大眾前後圍遶

爾時眾中有一菩薩名不可說功德莊嚴從
第十

座而起頂禮佛足合掌恭敬白佛言世尊今
此世界無量有情煩惱因緣造諸惡業當墮
地獄餓鬼傍生或天人中受諸劇苦唯願哀
愍方便拔濟

佛言善男子善哉善哉汝能哀愍一切有情
作如是請諦聽諦聽吾今為汝略說拔濟眾
苦方便

善男子有佛世尊名為不動如來應正等覺
為欲利樂諸有情故說陀羅尼令眾誦念陀
羅尼曰

羯羯尼羯羯尼 魯折尼魯折尼 咄盧磔
尼 咄盧磔尼 恒邏薩尼 恒邏薩尼

般刺底喝那 般刺底喝那 薩縛羯莫般

藍般邏尼謎 莎訶

若有善男子善女人至誠敬禮不動如來應正等覺受持此呪先所造作五無間業四重十惡毀諸聖賢謗正法罪皆悉除滅臨命終時彼不動佛與諸菩薩來現其前稱讚慰喻令其歡喜復告之言今來迎汝應隨我往所從佛國彼命終已決定往生不動如來清淨佛土

善男子復有卅尊名滅惡趣王一名大自在勝經如來應正等覺為欲利樂諸有情故說陀羅尼令眾誦念陀羅尼曰

兼十

七

輸達泥輸達泥 薩縛播波毗輸達泥 戊

睇毗戊睇 薩縛羯莫毗戊睇 莎訶

若有善男子善女人至誠禮敬滅惡趣王如來應正等覺受持此呪萬四千劫常憶宿命所在生處得丈夫身具足諸根深信因果善諸技術妙解諸論好行惠施厭捨諸欲不造

惡業離諸危怖具正念慧眾所愛重常近善友恒聞正法求菩提心曾無暫捨以諸功德而自莊嚴具善律儀怖諸惡業恒無匱乏調柔樂靜於天人中常受快樂速證無上正等菩提終不退於十到彼岸常願利樂一切有情諸所修行非專自利在所生處常得見佛護持正法預賢聖眾時薄伽梵說此經已聲聞菩薩及諸天人阿素洛等聞佛所說皆大歡喜信受奉行

拔濟苦難陀羅尼經